

## ՔԱՂԱՔԱԿԱՆ ԷԼԻՏԱՅԻ ԶԵՎԱՎՈՐՄԱՆ ԵՎ ՍԱՐՄԱՆՄԱՆ ԽՍԴԻՐՆԵՐԻ ՇՈՒՐՋ\*

### Կատերինա Ալթունյան

**Բանալի բառեր՝** քաղաքական էլիտա, քաղաքական որոշում, քաղաքական իշխանություն, քաղաքական ղերակատար, արդյունավետություն, էլիտայի ծևավորում, կառավարում, քաղաքականություն:

Ցանկացած հասարակություն ներկայանալի է էլիտայով: Այն հասարակությունների լեզվամտածողությունում, ուր «էլիտա» հասկացությունը նույնանում է առաջնորդության, տաղանդավոր մարդկանց գեներացման հետ, պահպանվում է, ինչպես Ն.-Բերդյանն է գրել, լավագույններին գտնելու փափագը [1]: Յասարակության գիտակցական համակարգն իր արտացոլումն է գտնում էլիտայում և էլիտայի մասին հասարակական պատկերացումներում: Որոշներում դրանք դրական են, մյուսներում ոչ: Ազգի արժեհամակարգային կայացման փուլն անցած որոշ հասարակություններում ծևավորվել և արմատավորվել են «էլիտա» հասկացության մասին բացասական պատկերացումներ՝ մարդկանց արժեհամակարգի խեղաթյուրման, էլիտայի անարդյունավետության և այլ պատճառներով [2]: Դրանից ուղակիրեն չի հետևում, այնուամենայնիվ, որ այդպիսի հասարակություններում էլիտա ունենալու հասարակական պահանջ չկա: Այդ պահանջն ունի յուրաքանչյուր, թեկուր դեռ քաղաքակրթական և գիտակցական տեսանկյունից չկայացած կամ հետամնաց հասարակությունը: Էլիտա ծևավորվելու համար, սակայն, անհամեշտ է ստեղծել պայմաններ՝ հավասարություն [3], արդարություն և այլն: Կաղ հասարակություններում էլիտան նույնացվել է վերմարդկային և վերերկրային էակների հետ: Այդպիսի գաղափարներով տոգորված ժողովուրդները, հասարակությունները երբեք չեն նույնացրել իրենց էլիտայի հետ, որովհետև ենթադրվել են, որ էլիտար իմիջ ունեցող մարդկանց տրված իշխանությունը ունեցել է աստվածային ծագում: Յասարակ մահկանացուները ենթարկվել ու ծառայել են էլիտային անհավասարության և անազատության պայմաններում: Յաջորդիվ, միջնադարյան հասարակություններ էլիտան խոշոր ունեցվածք և կապիտալ ունեցող մարդկանց դասն էր, որը պատմության թատերաբեմում մնաց բավական երկար ժամանակ՝ ժառանգության իրավունքի շնորհիվ փոխանցելով իր հենդինակությունն ու հարստությունը գալիք սերունդներին: Միջնադարյան հասարակության կեներումներն ու ֆեոդալական ծմջումները «էլիտա» հասկացությանը բացասական երանգներ տվեցին որպես շահագործողների կառավարման արատավոր երևույթ: Պատմության նոր շրջանում ծագած զանգվածային ժողովրդավարության խնդիրը չէր կարող չմտահոգել քաղաքագետներին, որի արդյունքում 19-րդ դարասկզբից կրկին շրջանառության մեջ է դրվել «էլիտա» հասկացությունը:

Արդի հասարակությունում «էլիտա» հասկացությունը սահմանելու դժվարություններ կան, որոնց հիմքում ընկած են հիմնականում հետևյալ խնդիրները.

- **Էլիտայի նույնականացման խնդիրը.** (մարդկանց տեսակների կամ խմբերի հետ նույնացումը, էկույուցիոն փուլերի ուսումնասիրությունը, էլիտայի որակական, կառուցվածքային և գործառությային կերպափոխումները),
- **Իրավիճակային քաղաքականության խնդիրը.** (իրավիճակի փոփոխման գործոնը էլիտաների հաճախակի, իսկ երբեմն էլ կտրուկ կերպափոխման պատ-

\* Հոդվածն ընդունվել է 30.01.2018:

Հոդվածը տպագրության է երաշխավորել ԵՊՀ քաղաքական ինստիտուտների և գործընթացների ամբիոնը:

ճառ է դարնում): Այժմյան գլոբալ քաղաքականությունն ու դերակատարների լայն ցանցի ձևավորումը նպաստում են հասարակության տարբեր էլիտաների միջև անհավասարակշռության մեծացմանը, ինչն անխուսափելիորեն ազդում է քաղաքական էլիտայի ձևավորման վրա: Այդ իրողությունը հաստատելու եկավ 2008 թվականի համաշխարհային ֆինանսատնտեսական ծգնաժամը, որի հետևանքով մի շարք երկրներում կառավարող նեո-լիբերալ քաղաքական էլիտաներ կորցրին իրենց իշխանությունը, իսկ որոշ երկրներում (Հուալիս, Չունաստան) քաղաքական էլիտան արմատապես փոխվեց [4]:

— **Էլիտա ձևավորելու խնդիրը.** (Ըստ մարդկանց հավաքագրելու ուղիների և սկզբունքների թափանցիկությունն ապահովելն ու երաշխավորելը):

Հասարակական-քաղաքական համակարգի սուբյեկտներին տրվող ընդհանուր անունը, որը բնորոշում է հասարակական-քաղաքական գործընթացներին նաև ակցիաների անդամությունը՝ դրանց վրա ազդելու, քաղաքականության օրակարգ ձևավորելու կայողությունները և քաղաքական կշիռ (այդ թվում քաղաքական իմիջ) ունեցող սուբյեկտներին անվանում են **էլիտա** [5]: Էլիտան ընդհանուր կամ նման հատկանիշներով (այդ թվում հոգեբանական, կրթական, գաղափարական, դիրքային և այլն), նպատակներով և շահերով միավորված հանրային սուբյեկտն է, որոնք ունեն հասարակության տարբեր ոլորտներում շոշափելի դերակատարություն: Ակտիվ դերակատարություն ունեցող մարդկանց և խմբերին հնարավոր չէ բացառել էլիտայից մի քանի պատճառներով: Առաջինն այն է, որ դրանք կարողանում են ազդել հանրային տրամադրությունների ձևավորման վրա, երկրորդ հետևող նորիկի ազդել քաղաքական օրակարգի ձևավորման վրա: Յանրային տրամադրություններ ձևավորելու և դրանց վրա ազդելու կարողությունը հանրային սուբյեկտներին ազդեցիկ է դարձնում նաև քաղաքական էլիտայի կառուցակարգելությունը: Ելնելով վերը նշվածից պետք է տարբերակել քաղաքականությամբ գրադարձ և քաղաքականության ոլորտում շոշափելի դերակատարություն ունեցող սուբյեկտներին: Ակտիվ քաղաքական դերակատարին չի կարելի բացառել էլիտայից, բայց ի տարբերություն քաղաքական էլիտայի, առաջինը չի նաև նակցում պետական կառավարմանը: Քաղաքական էլիտան որոշակի պաշտոններ է գրադեցնում պետական կառավարման համակարգում, մինչեւ քաղաքականության ակտիվ դերակատարը քաղաքական էլիտայի մաս կազմելով պարտադիր չէ, որ պաշտոն գրադեցնի պետական կառավարման համակարգում: Այդ մասին են փաստում իշխանության դերային և ինստիտուցիոնալ տեսությունները: Առաջինի սահմանմանը՝ քաղաքական էլիտան պետության բարձրագույն իշխանությունը կրող սուբյեկտն է: Իսկ ինստիտուցիոնալ տեսության դիրքերից քաղաքական էլիտան պետական իշխանության ստորակարգությունում ռազմավարական տեղեր գրադեցնող մարդիկ են կամ կարող է միավորել քաղաքական ընդհանուր շահը: Յետևարար քաղաքական ընդհանուր շահեր հետապնդող էլիտան ներ իմաստով քաղաքական է [7]: Քաղաքական շահ հետապնդող էլիտան քաղաքական համակարգի կենտրոնն է, և կարող է որոշել էլիտայի ձևավորման ուղիներն ու սկզբունքները: Այս իմաստով, արդի հասարակություններին բնորոշ կառուցվածքային և գործառության սկզբունքով տարբերակված քաղաքական էլիտան հնարավորություն ունի ձևավորվելու ոչ միայն ընդհանուր շահի հիմնա վրա, այլև նոր մարդկանց հավաքագրել իր շարքեր սոցիալ-մասնագիտական խոշոր ավագանից [8]: Չխախտելով հանդերձ ինստիտուցիոնալ տեսության և իշխանության ստորակարգության սկզբունքը՝ չի կարելի չհամաձայնել այն մտքին, որ ժամանակակից աշխարհում քաղաքական էլիտան միայն իշխանության հետ ասցացվող մարդիկ չեն: Բազմակարծության և առաջնորդության նոր ձևերի տարածմանը զուգընթաց, հասարակական-քաղաքական գործընթացները և ինստիտուտները կառավարելու դե յուրե լիազո-

## ՄԵՐՐՈԴ ՄԱՀՍՈՅ ՀԱՍՏԱՄԱՐՄԻ ԼՐԱՏՈՒ 2018

րություններ ու պատասխանատվություն կրող սուբյեկտներից բացի, մեծացել են քաղաքականության վրա ազդեցության տարրեր կենտրոնների դերը: Դրանց շարքում պետք է առանձնացնել հատկապես հանրահայտ բլոգերներին, սոցիալական ցանցերում ակտիվ մարդկանց, ՁԼՍ-ները և այլք: Եթե հաշվի առնենք, որ ազդեցությունն ուղղի համեմատական է իշխանությանը, ապա արդի հասարակություններում իշխանություն ունեն շատ լայն բվով դերակատարներ: Ի վերջո գալիս ենք այն եզրահանգման, որ քաղաքական էլիտայում, լայն իմաստով, ոչ միայն իշխանական դիրք և պաշտոն գրադեցնող մարդիկ են, այլև հասարակության այն անհատներն ու մարդկանց խմբերը, ովքեր կարող են ոչ միայն ազդել հանրային տրամադրությունների վրա, այլև վետո կիրառել ընդհանուրի շահը պաշտպանելու համար: Վերջինն առարկայական է արևմտյան մողելի քաղաքական էլիտաների համար, որոնք ունեն բարդ կառուցվածք և որոնցում արժնորոշում են հանրային բարձր գիտակցությունը, մասնագիտական բանհմացությունը (կոնպետենիցա) և այլն: Մասնագիտական բանհմացության ոչ պատշաճ մակարդակը կամ ծայրահեռ դեպքում դրա բացակայությունը սուլ բնույթ է սուամում հատկապես որոշումների կայացման ժամանակ:

Քաղաքական էլիտայի սահմանման պյուրալ հայեցակարգի առանցքում է որոշումներ կայացնելու մեթոդական խնդիրը ժամանակակից հասարակական-քաղաքական համակարգերում [9]: Որոշումներ կայացնելուն առնչվող բոլոր գործընթացները դերակատարների լայն ցանց ինտեգրելու առանձնահատկություն ունեն, ընդ որում ժողովավարական հասարակություններում ավելի շատ: Որոշումներ կայացնելու առանձնահատկություններով ու մեթոդարանության տարբերություններով կան արևմտյան (ամերիկյան) և հետխորհրդային (ռուսական) երկրների քաղաքական մշակույթին ունի գիտականության բարձր մակարդակ և մշակված մեթոդարանություն: Ցանկացած ու հատկապես քաղաքական որոշումների լեգիտիմությունը պահպելու օգտումը գիտական մեթոդի և փաստարկման գործիքակազմի միջոցով, ապահովում է քաղաքական էլիտայի արդյունավետությունն ու մասնագիտական կամ գոնե ոլորտային բանհմացություն ունեցող առանցքային դերակատարների ներգրավումը: Ի տարբերություն առաջինի, հետխորհրդային երկրներում քաղաքականության դերակատարներն ինտեգրված չեն, կամ մասնակի են ինտեգրված որոշումներ կայացնելու գործընթացին: Որոշումներ կայացնում են մեծ մասմբ նեկավար օլակներում առանցքային դերակատարներ համարելով ստորակարգության վերին մակարդակներն ու նրանց բանհմացությունը: Այդ է պատճառը, որ քաղաքական որոշումների կայացումը վերջիններում ունի ստվերային և կենտրոնացված բնույթ: Ստվերայնությանը նպաստում են, իրենց հերթին, իշխանական ինստիտուտների բալանսավորված համակարգի, իրար հակակշռող սկզբունքների բացակայությունը, քաղաքացիների շրջանում առկա անվստահությունն ու գիտական (մասնագիտական) խմբեր ինտեգրող անհրաժեշտ կառուցակարգերի բացակայությունը:

Քաղաքական էլիտայի սահմանման որոշումների չափումը չի պատասխանում այն հարցին, թե հասարակության էլիտաներից որն է կառավարում կամ պետք է կառավարի: Այստեղ կարևորում են բուն գործընթացը և բոլոր ուղղակիորեն առնչվող և օրակարգի ծևավորման վրա ազդող դերակատարների ինտեգրումը: Կարծում ենք՝ քաղաքական էլիտան շատ լայն է սահմանվում այս մոտեցման շրջանակներում, իմն իր հերթին նվազեցնում է գործընթացի համեմատ պատասխանատվությունն ու հետադարձ կապի ապահովումը:

Քաղաքականությունը և կառավարումը անորոշության տիրույթներ չեն: Անկախ այն բանից, թե դրքան է քաղաքական էլիտայի ազդեցությունը, բանհմացության մակարդակն ու կառավարման արդյունավետությունը, այն առաջին հերթին իշխանության ստորակարգությունը պաշտոնավարող, համազգային խմբիներ լուծող և որոշումներ կայացնող, քաղաքական տեսլական ուղենշող և էլիտար մշակույթ կրող մարդիկ են կամ նրանց խմբերը [10]: Քաղաքական էլիտայի իշխանությունն ունի օրյեկտիվ կառուցվածքային դրսերում, որով սահմանվում են քաղաքական էլիտայի վարքը, հաշ-

## ՄԵԽՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2018

վետվողականությունն ու պատասխանատվությունը քաղաքական համակարգի և հասարակության առջև: Դավելենք նաև, որ հատկապես օբյեկտիվ վարքագիծ և էլիտար մշակույթ ունենալու, քաղաքական պատասխանատվություն կրելու դիրքերից, քաղաքական էլիտար սահմանանական իշխանական հայեցակարգն ակնհայտ առավելություն ունի որոշումների հայեցակարգի համեմատ: Մյուս կողմից, իշխանական լժակների համար պայքարը հետոնողնիստական հասարակությունում այլևս միայն քաղաքականության ավանդական դերակատարների գործը չէ [11]: Իշխանության (ազդեցության) անհամաշխափությունը խորացնող գործընթացների շարունակականությունը, որն ակնհայտ երևում է որոշումների կայացման և քաղաքականության տարրեր դերակատարների փոխազդեցության գործող ձևաչափերի, իշխանությունների տարանջատման ձևերի և գործառության փոփոխությունների և այլ երևույթների ուսումնասիրության ժամանակ, էականորեն ազդում է քաղաքական էլիտար հայեցակարգի ձևավորման ուղիների և սկզբունքների սահմանանական վրա:

Իշխանության և որոշումներ կայացնելու խնդիրների արանցքում ակտուալ է դարձում քաղաքական էլիտար արդյունավետությունն ընդհանրապես և վերջինիս գործունեության արդյունքները գնահատելու խնդիրը: Քաղաքական էլիտար արդյունավետ գործող մարդիկ են, որոնք կարողանում են հաջողությունների համեմ քաղաքական գործունեության նաև ազիտական ոլորտում: Քաղաքական էլիտար քաղաքական միտքը կերտողներն են, քաղաքական ավանդույթներ ստեղծողները և այդ ավանդույթների շարունակականությունն ապահովող մտավոր ուժը: Վերոնշյալ սահմանանակներում քաղաքական էլիտար կարելի է քաֆանել երկու շերտերի.

— կենդանի քաղաքականությամբ զբաղվողներ

— քաղաքագիտությամբ զբաղվողներ:

Արդյունավետ քաղաքական էլիտար, նախևառաջ, որակական բարձր հատկանիշների կրողը պետք է լինի և համապատասխանեցնի այդ որակնեն հասարակության պահանջմունքներին [12]: Քաղաքական էլիտար արդյունավետությունը որոշում են նրա բնութագրի հատկանիշները, վարքն ու հարաբերություններն ինչպես էլիտար մերսում (ներխմբային), այնպես էլ հասարակության հետ հարաբերություններում: Արդյունավետ քաղաքական էլիտար բնորոշ հատկանիշները պետք է լինեն ընդհանուր նպատակին և շահերին նվիրվածությունը, հակադիր քաղաքական ուժերի հանդեպ հանդուրժողականությունը: Վարքը որոշակիացնում է քաղաքական էլիտար գործողությունները, դրանց պատճառներն ու հիմնական ազդակները: Իրենց հերթին, գործողությունները բխում են թե օրեկստիվ, թե սուբյեկտիվ հանգանանքներից: Քաղաքական էլիտար բնութագրող որակական և վարդարանական հատկանիշները ժամանակի ընթացքում կարող են փոփոխվել, ուստի ձևավորված կարելի է հանարել այն էլիտար, որն ունի քաղաքական մշակույթի ձևավորված ավանդույթներ և ընդհանուր կեցություն:

Քաղաքական էլիտար արդյունավետությունը պայմանավորող գործողություններ են էլիտար թարմացման, նոր մարդկանց հավաքագրելու նպատակով մշակված և փորձված կառուցակարգերի կիրարկումը: Արտադրական հարաբերությունների հետ նույնացվող այդպիսի գործողությունների տրամարանությունը թույլ է տալիս հասարակությունն ու քաղաքական էլիտար նույնացնել այնպիսի ինստիտուտների հետ, որոնք ի վիճակի են օպտիմալ ձևով կառավարելու մարդկային կապիտալի և ռեսուրսների արտադրությունն ու վերարտադրությունը քաղաքական համակարգի շրջանակներում: Միանգամայն օբյեկտիվ է այն, որ քաղաքական էլիտար արդյունավետությունը չափել զանակում է գնահատել նախևառաջ էլիտար որակական հատկանիշներն ու վարդարանությունը, ապա նաև կառավարելու ընդունակ ուժեր ձևավորելու, այդ նպատակին հետամուտ հավաքագրման մոդելների արդյունավետությունը:

Քաղաքական էլիտար անարդյունավետության հիմնական պատճառներ կարող են լինել նոր մարդկանց հավաքագրելու ժամանակ թույլտրվող այն սխալները, որոնցից պետք է խուսափել, մասնավորապես:

## ՄԵԽՐՈԴ ՄԱՀՏՈՅ ՀԱՍԱԼԱՐՄԱՆԻ ԼՐԱՏՈՒ 2018

- Նոր մարդկանց ընտրությունը կամ նշանակումը անցյալից ստացված ժառանգության և գիտելիքների հիմնան վրա: Որպեսզի քաղաքական էլիտայի ձևավորումը լինի արդյունավետ, հարկավոր է խրախուսել ապագան կանխատեսելու գիտելիքներն ու կարողությունները: Միայն այդպես է հնարավոր ներդնում անել ապագայի համար:
- Քազմազանության խիստ պակաս: Քաղաքական էլիտան պետք է ձևավորվի բազմազանության սկզբունքով: Քազմազանությունն սկզբում է էլիտայի ներսում կանանց և տղամարդկանց դերերի բաշխման հավասար իրավունքներ և հնարավորություններ ստեղծելու պայմանից և ավարտվում տարբեր արժեքային համակարգի ու սոցիալական կարգավիճակի տեր նարդկանց համալրման անհրաժեշտությամբ: Քազմազանություն ապահովելու դեպքում է միայն հնարավոր ընտրել ծիշտ նարդկանց: Իսկ եթե հաշվի առնենք, որ քաղաքական իշխանության տարբեր նակարդակներում արդյունավետ աշխատանքի համար նոտավոր և մարդկային տարբեր ռեսուլտսներ են պետք, ապա, բազմազանության սկզբունքը հնարավորություն է տալիս նեղ մասնագետներ հավաքագրել:
- Քաղաքական էլիտայի սեփական միջավայրից մարդկանց առաջարելու և ընտրելու նախապատվությունը: Վերոնշյալ խնդիրը ունի դրական կողմեր: Առաջինի առավելությունն այն է, որսեփական միջավայրից ընտրված մարդիկ համակարգը գիտենաներսից, ունեն կառավարչական գիտելիքներ և պատրաստ են ստանձնելու պարտականություններ: Նման նարդիկ ճանաչելի և կանխատեսելի են նաև բուն համակարգի կողմից, ինչը ևս շատ կարևոր նշանակություն ունի: Դատկանշական է, որ այս միտումը կա հետխորհրդային երկրներում և ծագում է բարեփոխումներ իրականացնելու այն փորձից, ըստ որի՝ բարեփոխումներ իրականացնելիս արդյունավետ է համակարգի մարդականց նախապատվություն տալը: Միևնույն ժամանակ պետք է նշել, որ նոր մարդկանց հավաքագրելու գրավչությունը մեծացնում է քաղաքական էլիտայի իշխանության և ազդեցության հնարավորությունները:
- Քաղաքականության մեջ արմատավորվելու և անփոխարինելիության ախտանիշը: Քաղաքական էլիտայի ձևավորումը որպես արդյունավետ կառավարման պայման, պետք է արմատավորվի քաղաքական մշակույթում: Բայց շատ հաճախ էլիտան նոր մարդկանցով համարելու գործընթացն ունի ռիսկայնության բարձր աստիճան քաղաքական համակարգերի կայունության տեսանկյունից: Դա այդպես է բոլոր այն համակարգերում, որտեղ քաղաքական էլիտան որպես կառավարող և առաջնորդող ուժ, իրեն համարում է անփոխարինելի: Անփոխարինելիության ախտանիշը ի հայտ է գալիս նաև իշխանության կենտրոնացման հետևանքով: Իսկ կենտրոնացված իշխանություն ունեցող համակարգերում տաղանդների գեներացման և զարգացման գործընթացը չի կարող հաջողություն ունենալ:
- Քաղաքական էլիտայի կադրային թարմացումը միայն զգնաժամերի ժամանակ: Ցննաժամի պատճառ կարող է լինել երկրի սոցիալ-տնտեսական ծանր որությունը, պատերազմները, քաղաքական անսպասելի իրադարձությունները: Քաղաքական էլիտայի համար նոր մարդկանց հավաքագրելու արդյունավետությունը գնահատվում է դրված խնդիրների համար օպտիմալ լուծումներ գտնելու, նպատակներն և ծրագրերը իրականացնելու կարողությամբ օժտված մարդկանց ցանց ձևավորելու միջոցով: Թվարկված խնդիրներից ելնելով՝ քաղաքական էլիտայի համար նոր մարդկանց հավաքագրումը կոչված է կանխելու զգնաժամանակին իրավիճակներում որոշումներ կայացնելու, լրացրեցին ռեսուլտներ վատնելու և կադրային անհամապատասխան ընտրություն անելու հավանականությունը:

Անփոխելով նշենք, որ ժողովրդավարական հասարակություններում քաղաքական էլիտայի արդյունավետությունն ու սոցիալական արժեքը հասարակությանը մոտ

## ՄԵԽՐՈԴ ՄԱՀՏՈՅ ՀԱՍԱԼԱՐՄԱՆԻ ԼՐԱՏՈՒ 2018

կառավարելը, հասարակության համար աշխատելն և արարելն է ինտեգրված հասարակություն և գործողությունների ընդհանուր հարթակ ապահովելու միջոցով։ Արագ փոփոխվող հասարակությունների ու իրավիճակային քաղաքականությունների արդի դարաշրջանում քաղաքական էլիտայի արդյունավետություն նշանակում է վերջինիս համարժեք արձագանքը բոլոր այն խնդիրներին, որոնք կարող են ծագել ինչպես քաղաքական համակարգի շրջանակներում, այնպես էլ դրամից դուրս։

Քաղաքական էլիտան քաղաքական համակարգի այն իիմնարար հենքն է, որի վրա կառուցվում է քաղաքական համակարգի մյուս դերակատարների, տարբեր էլիտաների (տնտեսական, ռազմական, մշակութային, տարածաշրջանային և այլ) հետ հարաբերությունների վերնաշենքը՝ առաջնորդության արժեքների և քաղաքական մշակույթի ծևավորման շնորհիվ։ Թեն առաջնորդության հայեցակարգը էական փոփոխություններ է կրել իր ծագման վաղ ժամանակներից մինչ օրս, այնուամենայնիվ, այն շարունակում է մնալ քաղաքական էլիտայի սահմանման կարևոր կողմերից մենքը։ Առաջնորդություն և էլիտակապաց երկու գործոններով է պայմանավորված, որոնց, կարելի է ասել զարգանում են գուգահեռ. մի կողմից էլիտայի ածող իշխանությունը, իսկ մյուսից իշխանության ամհատականացված ծևերի տարածումը։ Դատկանշական է, որ առաջնորդության միտումներն ավելի շայտուն են պետական իշխանության տարբեր օղակներում [13]։ Դատկանշական է, որ քաղաքական էլիտայի ծևավորումը «ծայրահեռ ամհատականություններից» Դ.Բ-րուքը համարում է տեղեկատվական հասարակության առանձնահատկություններից մենքը։ Ամհատականություններից ծևավորվող արդի քաղաքական էլիտաները քամահրանքով են վերաբերում ծևային դերերին, ստորագրության և իշխանական ինստիտուտներին [14]։ Այս մոտեցումը քննադատում են ինստիտուցիոնալիստները, որոնք պնդում են, որ արդի հասարակության բարդ կառուցվածքը պահանջում է, որ քաղաքական էլիտան առավելագույն ինստիտուցիոնալացված լինի [15]։ Ընդ որում նման պահանջն ավելի շատ կապված է կարելի հավաքագրման ինստիտուցիոնալ ուղիների և սկզբունքների ծևավորման անհրաժեշտության հետ։ Քաղաքական էլիտայի կադրային հենքից է հավաքագրում քաղաքական և պետական բարձր պաշտոնների վերնաշենքը։ Վերոնշյալից էլ կարելի է եզրակացնել, որ քաղաքական էլիտան ծևավորված է, երկ կան և արդյունավետ գործում են էլիտան նոր մարդկանցով համալրելու սահմանադրական կարգ, ժողովրդավարական ուղիներ և սկզբունքներ։ Կառուցվածքային բարդ համակարգ ունեցող հասարակություններում քաղաքական էլիտայի ծևավորման կառուցակարգերը առավելագույն ինստիտուցիոնալ պետք է լինեն։

Քաղաքական էլիտայի ծևավորումն ու սահմանումը ցանկացած հասարակության առաջնորդացի անհրաժեշտ պայման է։ Ըստ պահանջման գործնարար պետք է համապատասխանի հասարակության և քաղաքական համակարգի պահանջմունքներին, գիտակցական մակարդակին։ Որպես ինստիտուտ՝ քաղաքական էլիտան կոչված է հասարակության իրավունքների և հնարավորությունների իրացման համար օպտիմալ պայմաններ ստեղծել, քանի որ էլիտա ծևավորում է ինքը հասարակությունը։ Էլիտան հասարակության մի մասն է։

Այսպիսով՝ հասարակության և քաղաքական համակարգում քաղաքական էլիտայի դերը սահմանելիս պետք է առանձնացնել հավելյալ երկու կետեր։

— Քաղաքական էլիտան սահմանելիս հաշվի առնել քաղաքականության նպատակն ու խնդիրները։ Արդի ուսումնասիրություններից պարզ է դառնում, որ հետոնողներն ինստիտուտական հասարակություններում քաղաքական էլիտան և քաղաքականությունը ծևավորվում են «գործառող բազմակարծության» (պյուրալիզմի) և «շահենկան կենտրոնացման» սկզբունքներով [16]։ «Գործառող բազմակարծության» սկզբունքը ենթադրում է մասնակցության մշակույթ, դերակատարմերի լայն ցանց, իսկ «շահենկան կենտրոնացման» սկզբունքի պարագայում առաջնային կարևորվում է քաղաքականության բարեփոխումներ ծեռնարկող ուժեղություն շուրջը համախմբվելու և աշխատելու պատրաստականություն։ «Գործառող բազմակարծություն» նշանակում է նաև ապակենտրոն (այսինքն

հատվածական) և կենտրոնացված (ունիֆիկացված) իշխանական հարաբերությունների օպտիմալ եղանակ: Գործնականում յուրաքանչյուրն էլ կարող են արդյունավետ լինել: Դրանց արդյունավետությունը որոշում են քաղաքականության նպատակն ու առաջնահերթությունները: Քաղաքականության իրականացման ժամանակ առաջնահերթությունները կարող են փոխվել, որից հետո կփոխվի նաև քաղաքական էլիտայի դերը:

— Քաղաքական էլիտայի ձևավորման, սահմանման և արդյունավետության գնահատման ժամանակ անհրաժեշտ է հաշվի առնել կաղրային քաղաքականությունը, նոր մարդկանց հավաքագրելու կառուցակարգերը: Ձևավորված քաղաքական էլիտա ունեցող հասարակություններում առաջինը սահմանվում է հիմնականում ինստիտուցիոնալ մարմինների ու կառույցների միջոցով [17]: Դրանք կատարում են գործող քաղաքական համակարգի շրջանակներում գաղափարներ գեներացնելու, համակարգային արժեքներ և էլիտար մշակույթ ձևավորելու և էլիտայի անընդհանությունն ապահովելու գործառույթները: Ինչպես ցանկացած արդյունավետ համակարգի, այնպես էլ քաղաքական էլիտայի ձևավորումը պայմանավորված է կաղըերով: Արդյունավետ քաղաքական էլիտա ձևավորելու համար անհրաժեշտ է, որ կաղրային քաղաքականությունը մշակվի ու իրականացնվի քաղաքականության առաջնահերթություններից ելելով: Իսկ ինչ վերաբերում է քաղաքական մշակույթին, ապա այն պետք է ստանձնի քաղաքական էլիտայում կոնսենսուլսի և երկխոսության ձևավորման ու հաստատման գործառույթը, ընդ որում ոչ միայն հասարակության տարրեր էլիտաների միջև, այլև քաղաքականության և ռազմավարական որոշումների իրականացման շուրջ:

### ԾԱՆՈԹԱՎԳՐՈՒԹՅՈՒՆՆԵՐ

1. Бердяев Н.А., Философия неравенства: Письма к недругам по социальной философии, Обеликс, Берлин, 1923, стр. 55
2. Best Heinrich, Highly J., Political Elites in the Transatlantic Crisis, pub. by Palgrave MacMillan, New York, 2014, pp. 176-177
3. Bell J., Populism and Elitism: Politics in the Age of Equality, by ‘Ragnery Gateway’, Washington DC, 1992, p.4
4. Peter J., Francesca G, Political Leadership under the New Political Management Structures, Office of Deputy Prime Minister: London, January, 2005, pp. 13-14
5. Ашин Г.К., Современные теории элит: Критический очерк, «Международные отношения», 1985, стр. 55
6. Mills Ch. W., The Power Elite, ‘Oxford Univ. Press’, 1956
7. Hartman M., The Sociology of Elites, «Routledge Taylor Francis Group», London and New York, 2007, p. 25
8. Bachrach P., The Theory of Democratic Elitism, New York and London, 1980, p. 67
9. Косов Р.В., Пределы власти (история возникновения, содержание и практика реализации доктрины разделения властей), Тамб. гос. техн. ун., 2005 г., стр. 8-9
10. Huntington S.P., Political Order in Changing Societies, ‘Yale Univ. Press’, New Haven and London, 1973, p. 17
11. Steen A., Political Elites and the New Russia: The Power Basis of Yeltsin’s and Putin’s regimes, ‘Taylor & Francis e-Library’, Routledge Curzon Series on Russian and East European Studies, USA and Canada, 2004, pp. 1-2
12. Stephen J.Mcname, Robert K. Miller, The Meritocracy Myth, 3-rd ed., Lanham, Maryland: ‘Rowman and Littlefield’ Publishers, 2014, pp. 72-74

## ՄԵՄՐՈՊ ՄԱՀԾՆԵՑ ՀԱՍԱՏԱՐԱՆԻ ԻՌԱԾՈՒ 2018

13. Мохов В.П., Региональная политическая элита России (1945-1991гг.), Монография, Перм. книж. изд., 2003, стр. 38
14. Peter J., Francesca G, Political Leadership under the New Political Management Structures, Office of Deputy Prime Minister: London, January, 2005, pp. 26-27
15. Брукс Д., Бобо в раю, Откуда берется новая элита, «Ад Магинем Пресс», 2013, стр. 84
16. The Impact of Recruitment Strategy on Fair and Open Competition for Federal Jobs/ A Report to President and the Congress of the US by the US Merit System Protection Board, 1615M. Street, N.W Washington, DC 20419-001, 2015, pp. 42-45
17. Wedel J., Shadow Elite: How the Worlds New Power Brokers Undermine Democracy, Government and the Free Market, New York, 2009, pp. 15-16

### ԱՄՓՈՓԱԳԻՐ

**Քաղաքական էլիտայի ծևափորման և սահմանման խնդիրների շուրջ  
Կատերինա Ալթունյան**

Քաղաքական էլիտայի սահմանումը ժամանակակից հասարակության պայմաններում ունի բազմաթիվ դժվարություններ: Քաղաքականության դերակատարների ընդլայնմանը զուգընթաց՝ դրանք ավելի արդիական են դառնում: Յոդվածում քաղաքական էլիտա հասկացությունը սահմանվել է երկու հայեցակարգերում իշխանական և որոշումների: Լինելով այն կենտրոնը, որի վրա կառուցվում է քաղաքականության դերակատարների միջև հարաբերությունների վերնաշենքը՝ քաղաքական էլիտայի ծևափորումը հիմնականում հաճապատասխանում է հասարակության պահանջնություններին ու գիտակցության զարգացման մակարդակին: Քննարկման առանցքում են նաև էլիտայի արդյունավետությունը, չափանիշները և կադրային քաղաքականության որոշ խնդիրներ:

### РЕЗЮМЕ

**Проблемы формирования и интерпретации политической элиты  
Катерина Алтунян**

**Ключевые слова:** политическая элита, политическое решение, политическая власть, политический актор, эффективность, формирование элиты, управление, политика.

В современных государствах существует множество трудностей в определении политической элиты. С расширением политических субъектов определение политической элиты стало более актуальным. В современной политологии в определение сущности политической элиты существует множество различных подходы, из которых выделены два основных: властный и принятие решений. Политическая элита является центром политической системы и должна формироваться в соответствии с потребностями общества. На ней строится система отношений между всеми политическими субъектами. В статье уделяется внимание также вопросам эффективности элиты, кадровой политики и т.д.

**SUMMARY**  
**Issues on Formation and Definition of Political Elite**  
**Katerina Altunyan**

**Keywords:** *political elite, political decision, political power, political actor, effectiveness, elite recruitment, governance, politics.*

The definition of political *elite* has become problematic in modern societies. There must be a means of identifying who is included and whom excluded. The expansion of political actors has confronted with the dilemma of defining the political elite. This article investigates political elite within the framework of power and decision-making concepts. Being the center of political system it should be formed in accordance with the needs of society, mainly because it clarifies the relationship between base and superstructure or the interactions between the political actors. The article also discusses issues that require urgent attention to effectiveness and personnel policy.